



Broj: 14-03-30-01035-2/23

Sarajevo, Februar 27. 2023. godine

Na osnovu člana 70. stav 1. i 2., a u vezi sa članom 60. Zakona o organizaciji organa uprave u Federaciji Bosne i Hercegovine ("Službene novine FBiH", broj: 35/05), člana 26. stav 1. tačka a. Zakona o državnoj službi u Kantonu Sarajevo ("Sl. novine KS", br. 31/16) i člana 31. Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanje određenih prava ("Sl. novine KS", br. 39/16 i 10/17), rješavajući po zahtjevu za obavljanje dodatne djelatnosti podnesenog od strane Kišić Zlatana, kantonalni inspektor rada, Indire Eminović, kantonalni tržišno-turističkog inspektora i Jasmine Hrnjica Bajramović, kantonalnog zdravstvenog inspektora, dana 22.02.2023. godine, V.D. direktor Kantonalne uprave za inspekcijske poslove Kantona Sarajevo donosi

RJEŠENJE

Jasmini Hrnjica Bajramović, državnom službeniku, raspoređenom na radno mjesto kantonalni zdravstveni inspektor, daje se saglasnost za obavljanje dodatne djelatnosti koja se odnosi na učešće u ulozi predavača na edukaciji/seminaru članova Stomatološke komore FBiH iz oblasti koje se odnose na rad Inspektorata sanitarne, zdravstvene i farmaceutске inspekcije i inspekcije za hranu, pod uslovom da dodatni poslovi za koje se traži saglasnost ne utiču na redovan proces rada. Ukoliko se za vrijeme trajanja Rješenja, od strane direktora Uprave ili od strane neposrednog rukovodioca utvrdi da obavljanje dodatne djelatnosti utiče na redovan proces rada, ili se obavlja mimo naprijed navedenih ograničenja, isto će se ukinuti odnosno prestati da važi, o čemu će državni službenik biti pismeno obavješten.

OBRAZLOŽENJE

Zlatan Kišić kantonalni inspektor rada, Indira Eminović, kantonalni tržišno-turistički inspektor i Jasmina Hrnjica Bajramović, kantonalni zdravstveni inspektor su dana 22.02.2023. godine podnijeli zahtjev za obavljanje dodatne djelatnosti koja se odnosi na učešće u ulozi predavača na edukacijama/seminarima iz oblasti koje se odnose na rad Inspektorata rada, zaštite na radu i socijalne zaštite, Inspektorata tržišno-turističke inspekcije i Inspektorata sanitarne, zdravstvene i farmaceutске inspekcije i inspekcije za hranu. U podnijetom Zahtjevu imenovani navode da je Kantonalnoj upravi za inspekcijske poslove Kantona Sarajevo od strane Stomatološke komore FBiH dostavljen akt kojim se traži obezbjeđenje stručnih predavača iz domena rada, zdravstvene, sanitarne, tržišne inspekcije i inspekcije rada za potrebe organizovanja edukacije članova Stomatološke komore FBiH, da se u navedenom aktu navodi da je Stomatološke komore FBiH u mogućnosti obezbijediti adekvatan prostor za organizovanje ove edukacije, te bi ista Komora o održavanju edukacije obavijestila svoje članove - prioriteto nošioce odobrenja za obavljanje privatne prakse na području Kantona Sarajevo, te da je predmetni akt Stomatološke komore FBiH od strane glavnih inspektora dostavljen podnosiocima zahtjeva. Shodno navedenom, podnosioci

zahtjeva traže izdavanje rješenja za obavljanje dodatne djelatnosti koja se odnosi na njihovo učešće u ulozi predavača na edukaciji/seminaru članova Stomatološke komore FBiH, jer smatraju da bi prilikom obavljanja gore navedenih aktivnosti doprinjeli otklanjanju nejasnoća i nepravilnosti kod poslodavca u primjeni zakona iz oblasti koje nadziru, te da bi u ulozi predavača doprinjeli daljem usavršavanju, odnosno edukaciji i obrazovanju iz navedenih oblasti, te napominju da obavljanjem navedenih edukacija ne bi remetili obavljanje službenih poslova za koje su zaduženi odnosno iste ne bi obavljali u vrijeme redovnog radnog vremena ukoliko su edukacije komercijalnog karaktera.

Obzirom da je članom 31. Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanje određenih prava iz radnog odnosa ("Sl. novine KS", br. 39/16 i 10/17), propisano da državni službenik može obavljati dopunsku djelatnost za koju se plaća naknada u slučajevima koji se odnose na pružanje raznih stručnih usluga iz oblasti ekonomskih, tehničko - tehnoloških i pravnih poslova, kao što je izrada programa, projektovanje, računovodstveni, finansijski i pravni poslovi, edukacija i obrazovanje, rad u raznim stručnim komisijama ili radnim grupama .." zahtjevu je udovoljeno pod uslovima utvrđenim u stavu 1. i 2. Rješenja, iz razloga što je članom 24. Zakona o inspekcijama Kantona Sarajevo ("Sl. novine KS" br. 2/17), a koji reguliše pitanje ograničenja inspektora u obavljanju drugih poslova, propisano da "Inspektor ne može obavljati privredne, trgovačke ili druge djelatnosti i poslove za sebe ili drugog poslodavca iz oblasti i na području na kojem vrši inspeksijski nadzor, niti učestvovati u radu stručnih komisija i tijela organa uprave koji daju dozvole, mišljenja ili druge akte za izdavanje dozvola za obavljanje djelatnosti koje podliježu tom inspeksijskom nadzoru, niti izrađivati projekte, elaborate, studije i analize po naredžbi poslovnog subjekta uz naknadu". Dopunska djelatnost za koju je data saglasnost može se obavljati isključivo pod uslovom da ne remeti obavljanje službenih poslova za koje je zadužen državni službenik, što podrazumijeva rad izvan radnog vremena ili mogućnost da državni službenik u dane obavljanja dopunske djelatnosti uz prethodnu saglasnost neposrednog rukovodioca koristi dane godišnjeg odmora. Ukoliko državni službenik ne bude poštovao navedeni uslov pod kojim je data saglasnost, ista će biti ukinuta.

Pravna pouka: Protiv ovog rješenja može se izjaviti žalbu Odboru državne službe za žalbe FBiH u roku od 15 (petnaest) dana od dana prijema istog. Žalba se podnosi putem ovog organa.



D. DIREKTOR

Adis Mešić

Dostavlja se:

1. Imenovanom
2. Odjeljenje za COP
3. SSSZ
4. KUIP KS
5. Glavni inspektor 3x
6. a/a